

Arkiv: FA-U01
JournalpostID: <jplD> 20/20066
Saksbehandlar:
Dato: 18.04.2020

Saksframlegg

Saksnr.	Utvalg	Møtedato
025/20	Utval for næringutvikling og drift	29.04.2020

Søknad til næringsfondet - Industriutvikling Vest - kartlegging og analyse av digitalt næringsliv i Alver

Rådmannen sitt framlegg til vedtak:

Prosjektet «Kartlegging og analyse av det digitale næringslivet i Alver» blir tildelt kr 100 000 frå Næringsfondet i 2020.

Utval for næringutvikling og drift 29.04.2020:

Behandling:

Saka vart handsama for "lukka dører". (Offl. §13,1)
Utvalet vedtok samrøystes rådmannen sitt framlegg.

ND- 025/20 Vedtak:

Prosjektet «Kartlegging og analyse av det digitale næringslivet i Alver» blir tildelt kr 100 000 frå Næringsfondet i 2020.

Politisk handsaming

Saka skal avgjerast i utval for Næringsutvikling og drift

Bakgrunn

Industriutvikling Vest AS har som oppgåve å gje verksemder i Alver profesjonell hjelp til etablering frå ide til iverksetting og drift, ved vurdering av blant anna forretningsidear, hjelp til søknader, forhandlingar, bruk av verkemiddelapparatet, prosjektleiing, nettverk og kontorfellesskap.

Saksopplysninger:

Om prosjektet

Prosjektet er eit forprosjekt som skal ta for seg kartlegging og analysing av det digitale, teknologiske næringslivet i Alver. Formålet med prosjektet er å kartlegge verksemder sine digitale ressursar og kompetansenivå i industrien og varehandelen i Nordhordland, og kva for verkemiddel som finst for å auke overføring av digital kompetanse og teknologi til industri og varehandel i regionen. Digitalisering av industrien kan medverka til auka verdiskaping og vere eit ledd i nasjonal satsing på å verta meir konkurransedyktig innan ny teknologi og digital

omstilling.

Industriutvikling Vest AS ser ei kartlegging som naudsynt for komande prosjekt, og vil ut frå denne utarbeide ein rapport som kan nyttast som grunnlag for vidare arbeid. Eit utfall av kartlegginga kan til eksempel vere ei oppmoding om fysisk samlokalisering for komande prosjekt med fokus på digitalisering av industri og varehandel i Nordhordland.

Kartleggingsprosjektet er tredelt og vil kartlegge (1) verksemder og ressursar, (2) status og (3) kva som trengst for å digitalisere industri og varehandel innanfor dei nemnde områda.

Vurdering

- Dette prosjektet fell innanfor dei godkjende vedtektene for Næringsfondet.
- Prosjektet stimulerer til ei langsiktig digital omstilling med fokus på innovasjon, teknologi og nyskaping.
- Prosjektet er eit samarbeidstiltak innanfor etablert næringsliv for å fremje og utvikle den digitale kompetansen i verksemder i Alver kommune.
- Prosjektet kan bidra til ny vekst innanfor varehandel og industri som i dag er hardt råka av koronakrisa og fallande oljeprisar.

Vedlegg i saken:

19.04.2020	IUV søknad Næringsfondet	1374460
22.04.2020	IUV Digitale Nordhordland - soeknad Næringsfondet (L)(74252)	1376073